

OPENBARING 2025

Aflewering 5 - Die Wederkoms deel 3 (09-05-2025)

Wat het nou al gebeur?

1. Die eertse dier het uit die see uitgekom.
2. Die tweede dier het uit die aarde uitgekom.
3. Die mense was gedwing om die tweede dier te aanbid en die wat dit nie gedoen het nie, is vervolgt.
4. Die wederkoms gebeur en Yahshua stuur sy engele uit om sy uitverkorenes te gaan haal uit die 4 windstreke van die aarde.

Jeremia 32:36-42 Daarom, so spreek dan nou die HERE, die God van Israel, aangaande hierdie stad waarvan julle sê: Dit is in die hand van die koning van Babel oorgegee deur die swaard en die hongersnood en die pes— (37) kyk, Ek laat hulle bymekaarkom uit al die lande waarheen Ek hulle verdryf het in my toorn en in my grimmigheid en in groot gramskap; en Ek sal hulle na hierdie plek terugbring en hulle veilig laat woon. (38) En hulle sal vir My 'n volk wees, en Ek sal vir hulle 'n God wees. (39) En Ek sal hulle een hart en een weg gee om My altyd te vrees, hulle ten goede en hulle kinders ná hulle. (40) En Ek sal 'n ewige verbond met hulle sluit, dat Ek My van hulle nie sal afwend om aan hulle goed te doen nie; en Ek sal my vrees in hulle hart gee, sodat hulle van My nie afwyk nie. (41) En Ek sal My oor hulle verheug om aan hulle goed te doen; en **Ek sal hulle duursaam in hierdie land plant, met my hele hart en met my hele siel.** (42) Want so sê die HERE: Soos Ek oor hierdie volk gebring het al hierdie groot onheile, so bring Ek oor hulle al die goeie wat Ek oor hulle spreek.

Jesaja 11:1-12 Maar daar sal 'n takkie uitspruit uit die stomp van Isai, en 'n loot uit sy wortels sal vrugte dra; (2) en op Hom sal die Gees van die HERE rus, die Gees van wysheid en verstand, die Gees van raad en sterkte, die Gees van kennis en van die vrees van die HERE. (3) En Hy het 'n welgevalle aan die vrees van die HERE; en Hy sal nie regspraak na wat sy oë sien nie, en nie oordeel na wat sy ore hoor nie; (4) maar aan die armes sal Hy in geregtigheid reg doen en die sagmoediges van die land met billikheid oordeel; maar Hy sal die aarde slaan met die roede van sy mond en met die asem van sy lippe die goddelose doodmaak. (5) En geregtigheid sal die gordel van sy lendene en trou die gordel van sy heupe wees. (6) Dan wei die wolf by die lam, en die luiperd gaan lê by die bokkie, en die kalf en die jong leeu en die vetgemaakte vee bymekaar, en 'n klein seuntjie sal hulle aanja. (7) Die koei en die berin wei, en hulle kleintjies lê bymekaar; en die leeu eet strooi soos die os; (8) en die suigling speel by die gat van 'n adder, en die gespeende kind steek sy hand uit na die kuil van 'n basilisk. (9) Hulle sal geen kwaad doen of verderf aanrig op my hele heilige berg nie; want die aarde sal vol wees van die kennis van die HERE soos die waters die seebodem oordek. (10) En in dié dag sal die nasies vra na die wortel van Isai, wat daar staan as 'n banier van die volke, en sy rusplek sal heerlik wees. (11) En in dié dag sal die Here weer vir die tweede keer sy hand uitstrek, om die oorblyfsel van sy volk los te koop wat sal oorbly uit Assirië en Egipte en Patros en Kus en Elam en Sínear en Hamat en uit die kuslande van die see; (12) en Hy sal 'n banier ophef vir die nasies en bymekaar laat kom die seuns van Israel wat verdryf is, en versamel die dogters van Juda wat verstrooi is, uit die vier hoeke van die aarde.

Jesaja 2:2 En aan die einde van die dae sal die berg van die huis van die HERE vasstaan op die top van die berge en verhewe wees bo die heuwels, en al die nasies sal daarheen toestroom. 3 En baie volke sal heengaan en sê: Kom laat ons optrek na die berg van die HERE, na die huis van die God van Jakob, dat Hy ons sy weë kan leer en ons in sy paaie kan wandel. Want uit Sion sal die wet uitgaan en die woord van die HERE uit Jerusalem. 4 En Hy sal oordeel tussen die nasies en regspraak oor baie volke; en hulle sal van hul swaarde pikke smee en van hul spiese snoeimesse; nie meer sal nasie teen nasie die swaard ophef nie, en hulle sal nie meer leer om oorlog te voer nie.

Wat is die doel van die tweede koms?

Eségiël 36:17-28 Mensekind, toe die huis van Israel in hulle land gewoon het, het hulle dit verontreinig met hul wandel en met hul handeling; hulle wandel was voor my aangesig soos die besoedeling van die maandelikse onreinheid. (18) Daarom het Ek my grimmigheid oor hulle uitgegiet, vanweë die bloed wat hulle in die land vergiet het, terwyl hulle dit met hul drekgode verontreinig het. (19) En Ek het hulle verstrooi onder die nasies en hulle is versprei in die lande; Ek het hulle geoordeel volgens hul wandel en hul handeling. (20) En toe hulle by die nasies kom waarheen hulle getrek het, het hulle my heilige Naam ontheilig deurdat van hulle gesê is: Hierdie mense is die volk van die HERE, en hulle moes uit sy land uittrek. (21) Toe het dit My ter harte gegaan om my heilige Naam ontwil wat die huis van Israel ontheilig het onder die nasies waar hulle gekom het. (22) Daarom, sê vir die huis van Israel: So spreek die Here HERE: Ek doen dit nie om julle ontwil

nie, o huis van Israel, maar ter wille van my heilige Naam wat julle ontheilig het onder die nasies waar julle gekom het. (23) En Ek sal my grote Naam heilig wat onder die nasies ontheilig is, wat julle onder hulle ontheilig het; en die nasies sal weet dat Ek die HERE is, spreek die Here HERE, as Ek My in julle voor hul oë as die Heilige laat ken. (24) En Ek sal julle uit die nasies gaan haal en julle uit al die lande bymekaar laat kom, en Ek sal julle in jul land bring. (25) Dan sal Ek skoon water op julle giet, sodat julle rein kan word; van al jul onreinhede en van al jul drekgode sal Ek julle reinig. (26) En Ek sal julle 'n nuwe hart gee en 'n nuwe gees in jul binneste gee; en Ek sal die hart van klip uit julle vlees wegneem en julle 'n hart van vlees gee. (27) En Ek sal my Gees in jul binneste gee en sal maak dat julle in my insettinge wandel en my verordeninge onderhou en doen. (28) En julle sal woon in die land wat Ek aan jul vaders gegee het; en julle sal vir My 'n volk en Ek sal vir julle 'n God wees.

Sodra Yahshua op die aarde is en sy uitverkorenes saam met Hom gaan, gaan Hy sy oordele op die bewoners van die aarde uitgiet. Daar is 'n verskil tussen sy oordele en die vervolging wat deur die wêreld gedoen word op sy volgelinge. Ons is nou in die benoudheid van Jakob, want ons word vervolg deur die magte van hierdie koninkryk, maar wanneer Yahshua kom, gaan Hy sy oordele uitgiet op die bewoners van die aarde. Sy oordele is nie oor hulle wat aan Hom behoort by sy koms nie, maar aan almal wat aan Hom ongehoorsaam was en aan die dier gehoorsaam was.

Ons lees in Openbaring 8 van die sewende seël van die boek wat deur Hom oopgemaak word. Die sewende seël is die engele wat die oordele van Yahshua oor die bewoners van die aarde uitgiet. Openbaring 16 beskryf dieselfde gebeurtenis as 8, waar daar ook sewe engele is wat die oordele oor die aarde uitgiet.

Nadat die bewoners van die aarde gevlug het vir die gebeure rondom sy wederkoms, het hulle weer teruggegaan na hulle daaglikse lewe. Yahshua word nie deur hulle erken as die Koning van die aarde nie en hulle gee ook nie hulle koninkryk aan Hom oor nie, Hy moet dit met geweld afneem. Die oordele wat Hy oor hulle uitstort is deel van sy metode om almal te kry om die knieg voor Hom te buig en te erken dat Hy die Koning is, maar dit gebeur eers met die sede engel wat deur Openbaring beskryf word as die “Slag van Armageddon”.

Armageddon is nie ‘n oorlog tussen wêreldmoondhede wat die wederkoms van Yahshua veroorsaak nie, maar dit is ‘n oorlog tussen die magte van die aarde en Yahshua. Na Yahshua se koms sal die mense wat dit oorleef het, aangaan met hulle lewe asof dit net nog iets is wat gebeur het waarvan die aarde moet herstel. Yahshua is dan besig met die uitvoering van sy plan om die beheer oor die aarde oor te neem, deur die nasies te onderwerp. Dit is deur die oordele wat Hy uitgiet.